

## PLAN DE EMERXENCIA EXTERIOR CLH-EXOLUM VIGO

### Identificación e dirección do establecemento

CLH-EXOLUM, S.A.

Estrada das plantas, 1 (Xestoso/Bembrive)

36214 – Vigo (Pontevedra)

As instalacións de EXOLUM, S.A., situadas no concello de Vigo (Pontevedra), están afectadas polas disposicións do Real Decreto 840/2015, de 21 de setembro, polo que se aproban medidas de control dos riscos inherentes aos accidentes graves nos que interveñan substancias perigosas. A empresa facilitou á Dirección Xeral de Emerxencias e Interior a notificación contemplada no artigo 7 co contido establecido no apartado 1 de devandito artigo, así como o Informe de Seguridade indicado no artigo 10, apartado 1 do R.D. 840/2015.

### Actividade do establecemento

Recepción, almacenamento, trasfega e expedición de combustibles líquidos derivados do petróleo (gasóleos e gasolinas)..

### SUBSTANCIAS SUSCEPTIBLES DE XERAR ACCIDENTES GRAVES

Nome	Frases H	Pictogramas
<b>Gasolina</b>	<p><b>H224</b> - Líquido e vapores extremadamente inflamables.</p> <p><b>H304</b> - Pode ser mortal en caso de ingestión e penetración nas vías respiratorias.</p> <p><b>H315</b> - Provoca irritacións na pel.</p> <p><b>H336</b> - Pode provocar somnolencia ou vertixe.</p> <p><b>H340</b> - Pode provocar defectos xenéticos.</p> <p><b>H350</b> - Pode provocar cancro.</p> <p><b>H361</b> - Sospeitase que prexudica á fertilidade ou dana ao feto.</p> <p><b>H411</b> - Tóxico para os organismos acuáticos, con efectos nocivos duradeiros.</p>	
<b>Gasóleo</b>	<p><b>H226</b> - Líquidos e vapores inflamables.</p> <p><b>H304</b> - Pode ser mortal en caso de ingestión e penetración nas vías respiratorias.</p> <p><b>H315</b> - Provoca irritación cutánea.</p> <p><b>H332</b> - Nocivo en caso de inhalación.</p> <p><b>H351</b> - Sospeitase que provoca cancro.</p> <p><b>H373</b> - Pode provocar danos nos órganos tras exposicións prolongadas ou repetidas.</p> <p><b>H411</b> - Tóxico para os organismos acuáticos, con efectos nocivos duradeiros.</p>	

### **Posibles accidentes graves e os seus efectos**

Nas instalacións que a empresa EXOLUM ten no concello de Vigo, están presentes substancias inflamables e perigosas para o medio ambiente acuático. Unha vez estudadas as análises dos riscos realizadas para as instalacións e os resultados dos cálculos para a definición das zonas de planificación, conclúese que, os únicos accidentes que poden xerar efectos no exterior da instalación son aqueles nos que están implicados as sustancias indicadas.

Nos posibles escenarios accidentais considerados, o caso máis desfavorable que pode xerar efectos no exterior do establecemento, correspóndese con un incendio de charco orixinado polo derrame de gasolina desde depósitos.

Enténdese por caso máis desfavorable como aquel no que as medidas de protección e prevención do establecemento non responden.

### **Actuación do establecemento en caso de accidentes graves**

O industrial está obrigado a tomar as medidas axeitadas no emprazamento, incluído o contacto cos servizos de emerxencia, a fin de actuar en caso de accidente grave e reducir ao mínimo os seus riscos.

As actuacións de intervención no establecemento e a comunicación ás Autoridades Competentes están reflectidas no Plan de Autoprotección das instalacións.

### **Plan de Emerxencia Exterior**

A Dirección de Emerxencias e Interior da Xunta de Galicia, elaborou o Plan de Emerxencia Exterior CLH-EXOLUM Vigo, co obxecto de prever e no seu caso, mitigar, as consecuencias de posibles accidentes graves previamente analizados, clasificados e avaliados, e establecer as medidas de protección máis idóneas, os recursos humanos e materiais necesarios e o esquema de coordinación das autoridades, órganos e servizos chamados a intervir.

Este Plan de Emerxencia Exterior foi elaborado seguindo o indicado no artigo 13 do Real Decreto 840/2015, de 21 de setembro, polo que se aproban medidas de control dos riscos inherentes aos accidentes graves nos que interveñan sustancias perigosas.


Co obxecto de planificar una posible emerxencia defínense dúas zonas de actuación: unha zona de intervención, definida como aquela na que as consecuencias dun posible accidente producen un nivel de danos que xustifica a aplicación inmediata de medidas de protección, e unha zona de alerta, definida como aquela na que as consecuencias dun posible accidente provocan efectos, que aínda perceptibles pola poboación, non xustifican a intervención, agás para os grupos críticos da poboación.

De acordo á avaliación dos riscos e, para a hipótese e escenario máis desfavorable, defínense unha zona de intervención de 77 m de radio e unha zona de alerta de 93 m de radio.

## **Alerta e información a la poboación**

Ante unha situación no establecemento que puidera dar lugar a accidentes graves, alertarase e informarase á poboación afectada.

Os medios previstos son:

- A megafonía da Policía Local de Vigo e Mos, do Servizo Municipal de Protección Civil de Mos e das Agrupacións de Voluntarios de Protección Civil da zona, cando a situación o aconselle.
- Avisos a través dos medios de comunicación social: Radio Galega: 95.1 FM, Radio Nacional: 90.1 FM, @112Galicia , e calquera outro que se considere necesario.

## **MEDIDAS A ADOPTAR POLA POBOACIÓN EN CASO DE EMERXENCIA**

### **Instrucións de confinamento e autoprotección**

- Se estás na rúa para maior precaución, e se tes molestias, podes respirar a través de panos mollados e procura un lugar pechado para protexerte (local, edificio...).
- Pecha portas e ventás e, se é posible baixa as persianas e afástate delas.
- Evita fumar, non acendas lume, candeas nin luces de gas.
- Non utilices o teléfono, salvo que sexa estritamente necesario.
- En caso de necesidade, coloca trapos húmidos nas fendas.
- Non utilizar aparatos de ventilación.
- Non baixes aos sotos.
- Sigue con atención as instrucións das autoridades.

### **Instrucións de Afastamento e Refuxio**

No caso de que sexa necesario o afastamento e refuxio, informarase á poboación e establecementos veciños, mediante avisos directos a través dos medios de comunicación, do destino e traxecto a seguir de acordo con as seguintes instrucións:

- Durante o traxecto, protéxete as vías respiratorias con panos ou trapos e busca refuxio.
- Unha vez no destino, refúxiate no interior dun local ou edificio e fecha as ventás e portas.
- Non vaias buscar os nenos ao colexio, os seus mestres coidarán deles segundo un plan preestablecido.
- Non utilices o teléfono, salvo que sexa estritamente necesario.
- Escoita as emisoras de radio locais e sigue as recomendacións e instrucións que irán difundindo as autoridades.

#### DURANTE A EMERXENCIA



##### **NON VAIAS BUSCAR OS NENOS AO COLEXIO**

Os seus mestres coidarán deles segundo un plan preestablecido. Os centros de ensino son lugares de atención prioritaria e terán a axuda precisa en función do desenvolvemento da emerxencia.



##### **NON UTILICES O TELÉFONO**

Hai que deixar as liñas libres para os equipos de intervención.



##### **PARA MAIOR PRECAUCIÓN, E SE TES MOLESTIAS, PODES RESPIRAR A TRAVÉS DE PANOS MOLLADOS**

O aire pode estar contaminado.



##### **EVITA FUMAR, NON ACENDAS LUME, CANDEAS NIN LUCES DE GAS**

Por unha eventual presenza de produtos inflamables no aire.



##### **AFÁSTATE DAS VENTÁS E CRISTALEIRAS**

Ainda que sempre será de baixa intensidade, se hai perigo de estoupido péchate na parte oposta do lugar onde se espera o estoupido.



##### **SIGUE CON ATENCIÓN AS INSTRUCCIÓNS DAS AUTORIDADES**

Mantente informado de todas as medidas adicionais que se deberán adoptar.

#### **NON SAIAS AO EXTERIOR ATA QUE CHO COMUNIQUEN AS AUTORIDADES**

## Última inspección

Segundo plan anual de inspección.

Pódese obter, previa solicitude, os datos acerca da última visita *in situ* e do plan de inspección, en:

Vicepresidencia Segunda e Consellería de Economía, Empresa e Innovación  
Xefatura Territorial de Pontevedra  
Rúa Fernández Ladreda, 43  
36003 Pontevedra

## Información adicional

Se desexa consultar máis información pode dirixirse a:

Dirección Xeral de Emerxencias e Interior  
Xefatura Territorial de Pontevedra  
Rúa Fernández Ladreda, 43  
36003 Pontevedra